



**REPUBLIKA E SHQIPËRISË**  
**BASHKIA ELBASAN**  
**DREJTORIA E MBROJTJES DHE PËRFSHIRJES SOCIALE**

Nr. \_\_\_\_\_ Prot.

Elbasan, më /07/2025

**RELACION**  
**KËSHILLIT BASHKIAK**

**Lënda: Relacion për Raportin e Monitorimit të Planit Vendor të Veprimit të Barazisë Gjinore 2022-2024**

Të nderuar anëtarë të Këshillit Bashkiak,

Bashkia Elbasan ka ndërmarrë një sërë hapash për përparimin drejt barazisë gjinore. Në këtë aspekt tre (3) Planet Vendore të Veprimit për Barazinë Gjinore (PVVBGJ) 2018-2020, 2022 – 2024 dhe së fundmi 2025-2030 janë përgatitur nga bashkia, si mjeti kryesor i zbatimit të angazhimeve publike për barazinë gjinore, të ndërmarra nëpërmjet nënshkrimit të Kartës Evropiane për Barazi të Grave dhe Burrave në Jetën Vendore.

Paralelisht me zhvillimin e procesit të hartimit të PVVBGJ 2025-2030 bashkia Elbasan ka realizuar dhe Raportin e Monitorimit të Zbatimit të PVVBGJ 2022-2024.

PVVBGJ 2022-2024 i Bashkisë Elbasan si një instrument strategjik, është i zhvilluar në përputhje me Strategjinë Kombëtare për Barazinë Gjinore 2021–2030. Ai gjithashtu është konceptuar dhe lidhur logjikisht me nene të ndryshme të Kartës Evropiane për Barazi të Grave dhe Burrave në Jetën Vendore.

***Fushat kryesore të ndërhyrjes***

PVVBGJ 2022 – 2024 përbëhet nga katër fusha kryesore të ndërhyrjes, të cilat jo vetëm kanë në përmbajtje nene të ndryshme të Kartës Evropiane për Barazi, por janë harmonizuar edhe me një pjesë të objektivave specifike të Strategjisë Kombëtare për Barazinë Gjinore 2021 - 2030, sidomos ato që përmbajnë masa dhe veprime specifike ku përgjegjës kryesorë për zbatim janë NJVV-të. Këto fusha ndërhyrjeje janë:

- I. Përparimi në kuadrin e përgjithshëm të barazisë gjinore.
- II. Zvogëlimi i stereotipeve gjinore, praktikave të dëmshme, diskriminimit dhe disavantazhimit të shumëfishtë.
- III. Përparimi drejt punësimit dhe zhvillimit ekonomik të ekuilibruar dhe të qëndrueshëm

IV. Rritja e nivelit të sigurisë, mbrojtjes dhe eficensës së qasjes shumë-sektoriale të koordinuar për gratë, të rejtat, vajzat, si dhe burrat, të rinjtë e djemtë, në hapësirat publike e private.

V.

Nga analiza e zbatimit të PVVBGJ 2022 – 2024 rezulton se Bashkia ka demonstruar progres në të katër fushat ndërhyrëse të planifikuara në këtë PVVBGJ.

### **Fusha I: Përparimi në kuadrin e përgjithshëm të barazisë gjinore.**

#### **Objektivi I.1. Rritja e përgjegjshmërisë dhe transparencës në përmbushjen e angazhimeve publike për barazinë gjinore.**

Bashkia ka treguar vendosmëri për të avancuar barazinë gjinore në nivel vendor, përmes përgatitjes, miratimit dhe zbatimit të Planit Vendor të Veprimit për Barazinë Gjinore (PVVBGJ). Procesi ka qenë gjithëpërfshirës, transparent dhe në bashkëpunim me aktorë të ndryshëm institucionalë dhe të shoqërisë civile. Menjëherë pas hartimit, dokumenti u publikua në faqen zyrtare të bashkisë për konsultim publik, duke garantuar transparencë dhe përfshirje të komunitetit lokal dhe grupeve të interesit. Pas fazës së konsultimit, drafti u miratua nga Këshilli Bashkiak. Më pas, dokumenti u përkthye nga UN Ëomen në gjuhën angleze dhe u përshtat në një version të përshtatshëm për publikim në ëeb. PVVBGJ i miratuar u publikua në faqen e internetit të bashkisë ([ëëë.elbasani.gov.al](http://ëëë.elbasani.gov.al))

Veprimet e ndërmarra më pas dëshmojnë një angazhim serioz dhe të qëndrueshëm të bashkisë për të promovuar barazinë gjinore, përmes një qasjeje të strukturuar, të hapur dhe bashkëpunuese.

Në kuadër të procesit të Buxhetimit Gjinor me Pjesëmarrje bashkia ka ngritur një database mbi pjesëmarrjen e grave/të rejave/vajzave si dhe burrave/të rinjve/djemve në çdo dëgjese komunitare që ka realizuar.

#### **Objektivi I.2. Zbatimi i detyrimeve për integrimin gjinor dhe buxhetimin e përgjigjshëm gjinor në nivel vendor.**

Gjatë periudhës së zbatimit të PVVBGJ janë realizuar një pjesë e konsiderueshme e aktiviteteve në fushën e zbatimit të detyrimeve për integrimin gjinor dhe buxhetimin e përgjigjshëm gjinor.

Janë zhvilluar trajnime për Komisionin për Barazi Gjinore dhe për stafin e bashkisë me pjesëmarrjen e 12 personave, mbi zbatimin e BPGJ dhe analizën gjinore në buxhetim. Ky aktivitet ka përmirësuar kapacitetet e anëtarëve të KBGJ dhe sektorit përkatës për të kuptuar dhe zbatuar analizën gjinore dhe Buxhetimin e Përgjigjshëm Gjinor (BPGJ).

Buxhetimi me Pjesëmarrje është një proces që bashkia Elbasan e zbaton tashmë prej vitesh. Ky është një proces në të cilin banoret dhe banorët e bashkisë Elbasan, përfshirë Njësive Administrative e fshtarat, marrin pjesë në mënyrë aktive në vendimmarrjen për shpërndarjen e burimeve financiare publike. Ky proces nuk është vetëm konsultativ, por një proces i drejtpërdrejtë dhe diskutim demokratik për vendimmarrjen e pushtetit vendor. Nëpunësja e Barazisë Gjinore ka marrë pjesë në të gjitha takimet e buxhetimit me pjesëmarrje që organizohen në kuadër të përgatitjes së buxhetit, apo ndërhyrjeve të ndryshme për zhvillim në komunitet. Prioritetet e dala nga ky proces apo dëgjesa të tjera komunitare listohen në bazë të votave që kanë marrë si nevoja të komunitetit dhe planifikohen për zbatim duke u përfshirë në

hartimin e buxhetit afatmesëm të bashkisë, kjo në varësi dhe të mundësive financiare të bashkisë

Buxhetimi me Pjesëmarrje është vlerësuar si praktika më e mirë e bashkisë së Elbasanit, përse i përket përfshirjes së qytetarëve specifikisht të grave dhe vajzave si dhe grupeve të marginalizuara sic janë komunitetet Rome, Egjiptjane në vendimmarrje. ([eëë.elbasni.gov.al](http://eëë.elbasni.gov.al)) Gjatë kësaj periudhe referuese janë hartuar Plani Vendor i Rinisë Elbasan 2023-2026, Plani Social i Bashkisë Elbasan 2023-2026 dhe Plani i Strehimit, të cilat reflektojnë një gjuhë të ndjeshme gjinore, gjë që do të përmirësohet ndjeshëm më tej.

Në përgjithësi, progresi është i konsiderueshëm, megjithatë disa aktivitete kërkojnë ndjekje dhe angazhim të mëtejshëm për të përmbushur plotësisht objektivat dhe tejkaluar sfidat që lidhen me kapacitetet e kufizuara teknike për realizimin e analizave të plota gjinore. Lind e nevojshme:

- Fuqizimi i kapaciteteve të stafit për analizën gjinore dhe BPGJ.
- Përmirësimi i sistemit të grumbullimit dhe analizimit të të dhënave të ndara sipas seksit dhe statistikave gjinore.
- Thellimi i bashkëpunimit me organizatat e shoqërisë civile për përfshirjen e grupeve të nënpërfaqësura.

## **Fusha II: Zvogëlimi i stereotipeve gjinore, praktikave të dëmshme, diskriminimit dhe disavantazhimit të shumëfishtë.**

### **Objektivi II.1: Edukimi i shoqërisë me parimet e barazisë gjinore.**

Rreth 4,500 qytetare dhe qytetarë morën pjesë në aktivitete ndërgjegjësuese dhe edukative që trajtojnë stereotipet gjinore, praktikat e dëmshme dhe format e shumëfishta të diskriminimit, një arritje pak më poshtë objektivit të planifikuar prej 5,000 pjesëmarrësesh/pjesëmarrësish, duke vijuar angazhimin e fortë të viteve të mëparshme.

Për sa më sipër gjatë periudhës 2022 - 2024, Bashkia Elbasan, në bashkëpunim me organizata partnere dhe institucione të ndryshme, ka zhvilluar një sërë aktivitete të rëndësishme me qëllim ndërgjegjësimin, fuqizimin dhe përfshirjen aktive të grave, vajzave, të rejave/rinjve dhe aktorëve institucionalë për reduktimin e stereotipeve gjinore, diskriminimit dhe përjashtimeve të shumfishta. Këto aktivitete janë realizuar në përputhje me objektivat dhe janë përqendruar në promovimin e modeleve pozitive të grave/vajzave, rritjen e ndërgjegjësimin në komunitet mbi stereotipet gjinore, dhunën me bazë gjinore, etj.

Sa i përket parashikimeve lidhur me organizimin e aktiviteteve kulturore dhe artistike që promovojnë fuqizimin e grave, të rejave dhe vajzave dhe sfidojnë stereotipet gjinore, Bashkia Elbasan ka organizuar çdo vit aktivitete kulturore në zonat rurale të titulluara Festa e Qershive - Njësia Administrative Godoles, Miqtë e Malit në Njësia Administrative Gjinar, Festa e Byshekut - Njësia Administrative Shushicë, "Funar Fest" Njësia Administrative Funar, Festa e Treganit - Njësia Administrative Tregan, për të kulmuar me Panairin e Ditës së Verës. Në këto aktivitete gratë, të reja dhe vajzat marrin pjesë në panaiet ushqimore me gatime tradicionale të zonës së tyre, zeje, produkte artizanale, prodhime të bizneseve familjare dhe individuale duke u promovuar si forca kryesore në bujqësi, blektori, agro-turizëm dhe duke sfiduar stereotipet gjinore. Këto aktivitete kanë shërbyer jo vetëm për promovimin e

grave/vajzave por dhe krijimin e ideve të bizneseve të drejtuara nga gratë/vajzat apo në formë shoqate siç është shoqata e grave “Agro Shirgjan” (ëeb: [ëëë.elbasani.gov.al](http://ëëë.elbasani.gov.al) )

Aleanca e Grave në Këshillin Bashkiak Elbasan është ngritur që në vitin 2018 dhe përbëhet aktualisht nga 25 gra/vajza. Gjatë periudhës së monitorimit janë zhvilluar gjithsej 6 trajnime me pjesëmarrjen e anëtareve të Aleancës së Grave Këshilltare dhe të Komisionit të Barazisë Gjinore pranë Këshillit Bashkiak Elbasan

Bashkia Elbasan koordinon çdo vit Fushatën e 16 Ditëve të Aktivizmit kundër dhunës me bazë gjinore e dhunës në familje. Në periudhën raportuese janë realizuar 3 fushata në bashkëpunim me aktorët lokalë dhe ato në nivel kombëtar me aktivitete të shumta të shoqëruara me materiale informimi dhe ndërgjegjësimi. Bashkia Elbasan cdo vit para fillimit të fushatës mbledh tryezën teknike për barazinë gjinore, duke ftuar aktorët lokalë me të cilët hartohet dhe kalendari i aktiviteteve për Fushatën e 16 Ditëve të Aktivizmit kundër dhunës me bazë gjinore. Në këtë kalendar përcaktohen aktivitetet, aktorët përgjegjës dhe afatet kohore në përputhje me fushatat globale dhe kombëtare për eliminimin e dhunës me bazë gjinore.

Fushatat janë shoqëruar me një sërë **aktivitetesh ndërgjegjëse dhe edukative**, përfshirë:

- tryeza diskutimi me gra të suksesshme dhe profesioniste të fushës së shërbimeve publike;
- aktivitete sensibilizuese me të rinj/të reja në shkolla dhe universitete;
- ekspozita, shpërndarje materiali dhe postime në rrjete sociale me mesazhe që promovojnë barazinë gjinore dhe parandalimin e dhunës.

Janë përgatitur dhe shpërndarë **materiale informuese dhe ndërgjegjëse**

## **Objektivi II.2: Investimi në prindërimin pozitiv.**

Në kuadër të zbatimit të Planit Vendor për Barazi Gjinore, objektivi II.2 synon forcimin e prindërimit pozitiv dhe fuqizimin e rolit të familjes në ndërtimin e një shoqërie më të barabartë dhe të ndjeshme gjinore. Qëllimi kryesor i këtyre ndërhyrjeve është promovimi i një kulture të prindërimit të përgjegjshëm, të bazuar në parime të barazisë gjinore, mirëqenies familjare dhe mbrojtjes së të drejtave të fëmijëve. Këto ndërhyrje në zbatim dhe të aktiviteteve të PVVBGJ janë realizuar në formën e një procesi për të arritur tek pika finale, zbatimi i programeve të prindërimit pozitiv pranë qendrave komunitare.

Më pas u zbatuan nga vetë bashkia **kurset e prindërimit pozitiv** në katër qendra komunitare, përmes të cilave janë përfshirë familje të ndryshme, duke u ofruar atyre njohuri dhe aftësi për të ndërtuar marrëdhënie më të shëndetshme me fëmijët dhe partnerët. *Në këto kurse morën pjesë 80 prindër, pak më poshtë objektivit prej 95 prindërish për vitin 2024. Kjo tregon një pjesëmarrje të mirë, por kërkon ende përpjekje për të zgjeruar shtrirjen.*

Aktivitetet e realizuara kanë kontribuar në:

- Rritjen e kapaciteteve të stafit komunitar dhe institucional për të adresuar çështje të prindërimit dhe barazisë gjinore;

- Rritjen e ndërgjegjësimit të komunitetit dhe prindërve mbi rëndësinë e prindërimit pozitiv;
- Krijimin e sinergjive ndërmjet shkollave, qendrave komunitare dhe organizatave joqeveritare për të mbështetur familjet;
- Hedhjen e hapave për institucionalizimin e këshillimit paramartesor në nivel vendor.

Zbatimi i plotë i të gjithë aktiviteteve të këtij objekti do të përforcojë më tej angazhimin e Bashkisë Elbasan për të ndërtuar një shoqëri ku familjet funksionojnë mbi baza të barazisë, respektit dhe mbrojtjes së dinjitetit njerëzor

22.000 individë janë informuar mbi parandalimin e stereotipeve gjinore në punësim dhe promovimin e ekuilibrit midis jetës personale dhe profesionale, një arritje mbresëlënëse në krahasim me objektivin e planifikuar prej 18,000 për vitin 2024. Për të arritur në këtë rezultat është punuar në disa drejtime bazuar dhe në aktivitetet e PVVBGJ me qëllim përfshirjen e grupeve të interesit dhe atyre të cënueshme.

Takimet informuese me punëdhënësit dhe punëkërkuet/punëkërkuetit kanë qenë të shumta dhe të fokusuara në promovimin e programeve të nxitjes së punësimit për grupet në nevojë, duke përfshirë të rejt/rinj të me ide inovative. Këto takime janë mbajtur në bashkëpunim me Zyrën Rajonale të Punësimit duke ndihmuar në adresimin e barrierave në hyrjen në tregun e punës (fq. zyrtare AKPA, Forumi i Gruas, Tjetër Vizion).

Nëpunësja e Barazisë Gjinore dhe Koordinatorja Vendore kanë qenë organizatore të takimeve me vajzat dhe gratë e bizneseve private kryesisht fasonerive për t'i informuar ato mbi stereotipet gjinore në punësim, të drejtën e marrjes së lejeve të paguara edhe nga baballarët si dhe funksionimin e MKR ndaj dhunës në familje dhe me bazë gjinore.

Në arritjen e këtij objekti specifik është synuar dhe promovimi mediatik duke publikuar informacione të ndryshme në mediat sociale për të sfiduar stereotipet gjinore në punësim. Janë realizuar disa POSTCAD të grave/vajzave mbi stereotipet gjinore me mbështetjen e shoqatës Forumi i Gruas.

Aktivitetet e zhvilluara kanë ndihmuar në:

- Rritjen e ndërgjegjësimit për rëndësinë e zgjedhjes së profesioneve jo tradicionale dhe pjesëmarrjes së vajzave në STEM;
- Forcimin e bashkëpunimit ndërinstitucional në promovimin e punësimit për grupet në nevojë dhe të rejt/rinj të me potencial inovativ;
- Nxitjen e diskutimeve për ndarjen e barabartë të punës dhe kujdesit në familje si pjesë e një kulture të barazisë gjinore.

### **Objekti III.2: Nxitja e sipërmarrjes dhe punësimit të grave e të rejtave, si dhe rritja e aksesit të tyre në shërbimet e produktet financiare dhe burimet produktive.**

Përqindja e grave dhe vajzave të mbështetura në sipërmarrje arriti në 0.03%, shumë më poshtë objekti të planifikuar prej 1%. Kjo tregon nevojën për investime më të fuqishme dhe masa të synuara për fuqizimin ekonomik të grave.

Aktivitetet e parashikuara në Planin Vendor të Veprimit për Barazi Gjinore në Bashkinë Elbasan fokusohen në nxitjen e barazisë ekonomike përmes mbështetjes së drejtpërdrejtë të

grave dhe vajzave, duke u ofruar atyre shërbime konkrete për kujdesin ndaj fëmijëve, mbështetje për sipërmarrje, qasje dhe aftësi për tregun e punës.

Shërbimi “Shtëpia e Gjyshes” është një ndër nismat më të rëndësishme, i cili ofron kujdes pasdite për fëmijët e nënave të vetme që punojnë, por edhe për familje në vështirësi ekonomike. Ky shërbim funksionon deri në orën 18:00 dhe realizohet në bashkëpunim me fondacionin "Motrat e Nënë Terezës" në qytetin e Elbasanit. Kjo ndërhyrje ka lehtësuar ndjeshëm barrën e kujdesit ndaj fëmijëve për gratë që janë të vetme dhe punojnë.

*Megjithatë hartëzimi i iniciativave ekonomike të iniciuara, zhvilluara apo trashëguara nga gratë në Bashkinë Elbasan dhe mbështetja për brandimin e produkteve dhe përgatitjen e historikut të trashëgimisë janë aktivitete në proces, duke mbetur një fushë për ndërhyrje të mëtejshme.*

**Zonat rurale në bashkinë Elbasan kanë** një traditë shumë të mirë në kultivimin e fruta/perimeve bio dhe ato që angazhohen më shumë në këtë proces janë gratë dhe vajzat duke ndihmuar ekonominë familjare. Kjo iniciativë e grave/vajzave është mbështetur nga bashkia duke bashkëpunuar me shoqërinë civile. Një shëmbull i tillë është **mbështetja për gratë në zinxhirin e vlerës së bujqësisë**, veçanërisht në NJA Labinot-Mal, me trajnime dhe pajisje për 25-30 gra, duke kontribuar në rritjen e kapaciteteve prodhuese dhe të të ardhurave përmes kultivimit të perimeve, me suportin e UN EOMEN.

Një komponent kyç i këtij objektivi është edhe **dalja e grave nga skema e ndihmës ekonomike**, përmes promovimit të alternativave të punësimit

Në fushën e të drejtave pronësore, janë organizuar **takime ndërgjegjësuese me gra/vajza, burra/djem në komunitete urbane dhe rurale**, përfshirë edhe komunitetet rome dhe egjiptiane, ku është trajtuar veçanërisht e drejta e grave mbi tokën bujqësore, pra janë trajtuar tematika mbi të drejtat mbi pronësinë dhe mënyrën se si mund të gëzohen këto të drejta. Në vitin 2022 janë shpërndarë **345 certifikata pronësie**, nga të cilat **55 për gra**, një hap drejt balancimit gjinor në pronësi.

**Fusha IV: Rritja e nivelit të sigorisë, mbrojtjes dhe eficensës së qasjes shumë-sektoriale të koordinuar për gratë, të rejtat, vajzat, si dhe burrat, të rinjtë e djemtë, në hapësirat publike e private.**

**Objektivi IV.1: Përmirësimi i elementëve të sigorisë dhe mbrojtjes në hapësirat publike, si dhe rritja e informimit mbi Rezolutën 1325 “Gruaja, Paqja, Siguria”.**

Janë kryer 14 auditime të sigorisë nga stafi bashkiak në bashkëpunim me Këshillin Vendor të Sigurisë, duke dyfishuar objektivin vjetor prej 6 auditimesh dhe duke treguar një përpjekje të fortë institucionale për të krijuar një mjedis më të sigurt për gratë dhe të rinjtë.

Rikonstruksionin e 18 objekteve shkolla, kopshte, çerdhe nga të cilat 10 në zonat urbane dhe 8 në zonat rurale, për vitin 2024. Rikonstruksionin e pjesshëm të 51 objekteve arsimore, nga të cilat 29 në zonat urbane dhe 22 në zonat rurale, për vitin 2024.

- Pjisjen e shkollave, kopshteve, çerdheve me kamera për të rritur nivelin e sigurisë së fëmijëve vajza e djem. Gjithashtu bashkia financon çdo vit pagesën e kopësht/cerdhe për 35 raste të fëmijëve të familjeve në nevojë, kryesisht Rom/Egjiptjan, si dhe të rasteve të fëmijëve të përfshirë në UM/UMM. Kanë përfituar gjithsej 105 fëmijë në nevojë për periudhën 2022-2024.
- Menaxhimin me efektivitet dhe mbështetjen me shërbime bazuar në nevojat përkatëse për vitet 2022 - 2024 të 381 rasteve të reja të dhunës në marrëdhëniet familjare.
- Mbështetjen në vazhdimësi të shërbimit të strehimit emergjent, na bashkëpunim me OJF të specializuara që e ofrojnë këtë shërbim, duke mbuluar qeranë e strehëzës.
- **Diskutimet në komunitet mbi sigurinë në hapësirat publike kanë mbledhur** grupe të ndryshme (gra, vajza, burra, të rinj), ku është diskutuar ndjesia e sigurisë dhe janë identifikuar problematikat në lagje dhe hapësira publike. Takimet kanë ndihmuar në evidentimin e nevojave prioritare për ndërhyrje infrastrukturore dhe institucionale.
- **Këshilli Vendor i Sigurisë Publike është një tjetër mekanizëm që është përfshirë në trajtimin e problematikave të evidentuara nga takimet komunitar** Bazuar në gjetjet nga takimet me komunitetin, janë zhvilluar 2 takime të dedikuara me MKR, ETN dhe KVSP për të analizuar rastet e dhunës në hapësirat publike dhe private, si dhe për të koordinuar veprimet institucionale

Paralelisht me aktivitetet për rritjen e sigurisë publike janë zhvilluar dhe takimet për promovimin e Rezolutës 1325

Janë organizuar takime dhe leksione të hapura në NJA, gjimnaze dhe fakultete për promovimin e Rezolutës 1325 dhe takime të hapura lidhur me zbatimin e Konventës së Stambollit, për të ndarë përvoja dhe mendime mbi sfidat dhe mundësitë për zbatimin sa më të mirë të tyre. Diskutime dhe shkëmbime mendimesh janë bërë gjithashtu nga të reja/rinj të shkollave të mesme, përfaqësuesve/ përfaqësuesve të institucioneve si Policia, Bashkia, OJF, Universiteti, etj. Janë zhvilluar gjithashtu takime me komunitetin fetar në Elbasan, me fokus adresimin e dhunës në familje dhe me bazë gjinore dhe ndarjen e roleve gjinore në shoqëri.

Një tjetër aktivitet për garantimin e sigurisë janë takimet informuese mbi radikalizmin dhe ekstremizmin e dhunshëm,

Janë realizuar 30 takime ndërgjegjëse me nxënëse/nxënës mbi rreziqet e radikalizmit dhe ekstremizmit të dhunshëm.

### **Trajnim i përbashkët i MKR, GTN dhe KVSP**

Janë organizuar një sërë aktivitete për ngritjen e kapaciteteve të aktorëve lokalë në trajtimin e dhunës në hapësirat publike e private. Ndër to përfshihen:

- Konferenca kombëtare mbi parandalimin e ekstremizmit të dhunshëm (janar 2024)

- Takime me administratën, Këshillin Bashkiak dhe organizatat e shoqërisë civile

Ërkoshop me OSBE mbi rreziqet e armëve të lehta dhe mbështetjen e fushatave kombëtare

## **Objektivi IV.2: Fuqizimi dhe rritja e efikasitetit të Mekanizmit të Koordinuar të Referimit kundër dhunës në familje dhe dhunës me bazë gjinore.**

Qëllimi i këtij objekti është rritja e kapaciteteve institucionale dhe komunitare për identifikimin, referimin dhe menaxhimin e rasteve të dhunës në familje, si dhe ofrimi i mbështetjes konkrete për viktimat, përmes një qasjeje të koordinuar dhe të qëndrueshme në nivel lokal.

Gjatë periudhës 2022 - 2024, Bashkia Elbasan ka realizuar një sërë aktiviteteve konkrete:

- **Trajnimi i 31 punonjësve/punonjësve të NJVNRR-ve** për referimin e rasteve të dhunës dhe ngritjen e kapaciteteve të tyre në mënyrë të vazhdueshme.
- **Fuqizimi i Koordinatorës Vendore kundër Dhunës në Familje (KVDHF)**, përmes trajnimeve dhe mentorimeve të vazhdueshme, dhe përfshirjes në rrjete kombëtare bashkëpunimi.
- **Organizimi i 36 mbledhjeve të ETN** për diskutimin e rasteve konkrete, dhe **6 mbledhje të Komitetit Drejtues** për adresimin e sfidave strukturore.
- **Menaxhimi dhe mbështetja e 208 rasteve të dhunës në familje**, prej të cilave 157 raste të reja gjatë vitit 2024, në bashkëpunim me MKR-në.
- **Përditësimi i sistemit REVALB** për regjistrimin e të dhënave, pavarësisht kufizimeve teknike.
- **15 trajnime për edukatore të çerdheve dhe kopshteve** mbi stereotipet gjinore dhe identifikimin e rasteve të dhunës ndaj fëmijëve.
- **Mbështetje për funksionimin e strehëzës së emergjencës**, përmes pagesës së qirasë nga bashkia.
- **Strehim afatgjatë për viktimat**, me 63 gra/vajza të përfshira në programin e bonusit të qirasë gjatë tre viteve.
- **Shërbim falas i çerdheve/kopshteve** për 13 fëmijë të nënave me urdhër mbrojtjeje.
- **Ngritja e strukturës së monitorimit** të shërbimeve sociale dhe monitorimi i 9 shërbimeve në territor.

Zbatimi i këtij objekti ka sjellë ndikime të prekshme në nivel lokal:

- **Rritje e efikasitetit dhe profesionalizmit institucional** në trajtimin e dhunës në familje, falë trajnimeve dhe bashkëpunimit ndërsektorial.
- **Mbështetje e drejtpërdrejtë për viktimat**, përmes shërbimeve të strehimit emergjent dhe afatgjatë, si dhe kujdesit falas për fëmijët.
- **Funksionalizim i mekanizmave lokalë të referimit dhe ndjekjes**, përfshirë përmirësimin e dokumentimit dhe ndarjen e informacionit.
- **Përfshirje më e mirë dhe me ndjeshmëri gjinore e sociale** në institucionet e kujdesit parashkollor, përmes trajnimit të edukatoreve dhe politikave të mbrojtjes së fëmijëve.
- **Konsolidim i sistemit të shërbimeve sociale** përmes ngritjes së strukturës së monitorimit dhe rritjes së transparencës.

***Përqindja e buxhetit bashkiak të dedikuar për shërbime të specializuara për mbështetjen e viktimave të dhunës në familje dhe me bazë gjinore arriti në 0.9% në vitin 2024, duke***

***shënuar progres drejt objektivit 2%, por duke treguar ende nevojë për prioritizim më të madh buxhetor.***

Praktikat e mira përfshijnë bashkëpunimin aktiv të bashkisë me shoqërinë civile në fushatat ndërgjegjëse, përdorimin e platformave në shkollë për edukimin mbi barazinë gjinore si dhe përpjekjet për të integruar çështjet gjinore në planifikimin dhe buxhetimin vendor.

Pavarësisht aritjeve, bashkia në këto vite ka ndeshur edhe vështirësi dhe sfida dhe ka edhe aktivitete të pa realizuara tërësisht ose pjesërisht. Këto janë evidentuar të detajuara në raportin përkatës të monitorimit të zbatimit të PVVBGJ 2022 – 2024 .

Bazuar në sa më sipër Bashkia ka në vijim si prioritete:

- Hartimin, miratimin dhe zbatimin e PVVBGJ 2025 – 2030, bazuar edhe në gjetjet dhe rekomandimet nga raporti i monitorimit;
- Institucionalizimin e Buxhetimit të Përgjigjshëm Gjinor në të gjitha programet buxhetore dhe zgjerimin e pjesëmarrjes në iniciativat për barazinë gjinore;
- Forcimin e mëtejshëm të Mekanizmit të Koordinuar të Referimit për menaxhimin e Rasteve të Dhunës në Familje dhe përmirësimin e sistemeve të të dhënave dhe transparencës.
- Përmirësimin e kapaciteteve të stafit për adresimin në mënyrë më efektive të çështjeve të barazisë gjinore në të gjitha fushat e ndërhyrjes së bashkisë, si dhe vënienë në dispozicion të burimeve të shtuara financiare, për të siguruar që barazia gjinore të integrohet në mënyrë sistematike në të gjitha politikat dhe shërbimet e bashkisë.

Në përfundim, për sa më sipër i kërkojmë Këshillit Bashkiak Elbasan:

Miratimin e Raportit të Monitorimit të Planit Vendor të Veprimit për Barazinë Gjinore 2022-2024 të Bashkisë Elbasan, sipas dokumentit bashkëlidhur.

Duke ju falënderuar për mirëkuptimin!

Duke ju falënderuar !

Konceptoi:N/Gjinore   Ervola Omeri

Miratoi :   Pergj.       Nadire Kreka

Pranoi:   Dr.DMPS       Eltiona Kolla

**KRYETARI**

**Gledian Llatja**

